



Xafiiska Qarammada Midoobay u Qaabilsan Arrimaha Siyaasadda Soomaaliya (UNPOS)

WAR-SAXAAFADEED 13/2010

Shirka Istanbul ee Soomaaliya waa guul u soo hoyatay dhammaan dhinacyada ay arrintu khuseyso

Istanbul, 24 May 2010 – Ka dib markii la soo xiray shirkii Istanbul ee Soomaaliya, Ergeyga Gaarka ee Qaramada Midoobay, Ahmedou Ould-Abdallah, wuxuu maanta sheegay in kulanka seddaxda maalmood qaatay uu ahaa “mid guul weyn keenay” oo ay ka soo baxeen “hindiseyaal muhim ah oo la taaban karo.”

“Shirkan wuxuu ahaa mid wax qabad weyn u leh bulshada caalamka iyo dadweynaha Soomaaliyeedba, in ka badan 50 waddan, iyo 20 wasiir ayaana ka qaybqaatay hindisahan lagu billaabayo dhismaha kaabayaal dhaqaale ee waxtar leh oo xoojin doona nabadda iyo xasilloonida Soomaaliya.”

Kulanka seddaxda maalmood qaatay, laga billaabo 21kii ilaa 23kii May, waxaa soo wada abaabulay Qaramada Midoobay iyo Dowladda Turkey. Kulamada heerka sare ah ka sokow, waxaa jiray wadatashi iyo doodo si la taaban karo u dhexmaray ganacsatada Soomaaliyeed, bulshada ganacsatada caalamka iyo hay’adaha horumarinta kuna saabsanaa lix dhinac oo muhim u ganacsiga oo kala ah: isgaarsiinta, kaabayaasha gaadiidka, bangiyada iyo xawaaladaha, xoolaha nool, kalluumeysiga iyo tamarta beddelka ah. Doodahaasi mid walba waxay ku dhammaatay talooyin la soo jeediyay si sare loogu qaado hawsha lagu soo bandhigay kulamada, waxaana ka mid ah in dhinacyada ganacsiga loo dejiyo siyaasado iyo hanaan sharciyo lagu habeynayo iyo in la hormariyo tayadhis iyo tababar gooni u ah dhinacyada ganacsiga.

Baaqii Istanbul ee la soo saaray ka dib markuu shirku dhammaaday wuxuu hoosta ka xarriiqay in loo baahanyahay in la xoojiyo hirgelinta Heshiiskii Jabuuti. Wuxuuna mar kale xaqiijiyay in “loo baahan yahay, si looga gudbo dhibaataada iyo amaan darrada maanta taagan, in Dowladda Soomaaliya ay bixiso dadaal adag oo waqti dheer qaadanaya si ay u hormariso wadashaqayn siyaasadeed una dhisto hay’ado dowladeed oo xoog leh” iyadoo baaq u jeedinaysa kuwa khatarta ku ah inay khalkhal geliyaan geeddisocodka nabadda.

Wixii war dheeraad ah fadlan kala xiriir: Susannah Price ama Donna Cusumano, saraakiisha qaabilsan isgaarsiintab guud, Xafiiska Qaramad Midoobay u Qaabilsan Arrimaha Siyaasadda Soomaaliya, Nairobi

Tel: +254 20 762 6805 / 6869 ama +254 733902020 ama 737400133

Fadlan eeg rugta Internet-ka (website):

www.unpos.unmission.org

Baaqu wuxuu kaloo garowsaday dadaalka uu bixinayo ciidanka nabadilaalinta Midowga Afrika ee Soomaaliya (AMISOM) iyo kaalinta urur goboleedyada, oo ay ka midyihiin Urur Goboleedka IGAD iyo Jaamacadda Carabta iyo weliba Bangiga Horumarinta Islaamka. Bangigu wuxuu soo jeediyay in la sameeyo Koox Shaqo oo ay isugu yimaadaan hay'adaha horumarinta si ay "ugu gurmadaan baahida degdegta ah ee Soomaaliya inta dalka xasillooni lagu soo dabaalayo." Kooxda Shaqo Dowladda Turkey ayaa guddoomin doonta.

"Anigoo ku hadlaya magaca Xoghayaha Guud iyo Qaramada Midoobay, waxaan jecelahay inaan Ra'iisal Wasaaraha iyo Xukuumadda Turkey ugu mahadceliyo martigelinta Shirka. Waxaa kaloon mahad u soo jeedinayaa ganacsatada gaarka ah, hay'adaha horumarinta, hay'adaha Qaramada Midoobay, bulshada ganacsatada Soomaaliyeed iyo Jaaliyadda Soomaaliyeed ee Qurbaha ku nool oo kaalmo ka geysan karta mustaqbalka dhaqaalaha dalkooda, iyo nabadda iyo xasilloonida taas la socota," ayuu yiri Md. Ould-Abdallah.

"Sidoo kale waxaan jecelahay inaan ku celiyo inaan taageerayno Xukuumadda iyo Parlamaanka oo aan ku dhiirrigelinayno dadaalka ay ugu jiraan inay midaysanaadaan gacantana ku hayaan hawlaha muhimadda leh."